

Okāsaṃ me bhante thero detu, pavāraṇāñattiṃ uddesituṃ.

## PUBBA-KICCAṀ

Pavāraṇākaraṇato pubbe navavidhaṃ pubbakiccaṃ kātabbhaṃ hoti:

- 1) Taṇṭhānasammajjanañca;
- 2) tattha paḍipujjalanañca;
- 3) āsanapaññapanañca;
- 4) pāṇiyaparibhojanīyūpaṭṭhapanañca;
- 5) chandārahānaṃ bhikkhūnaṃ chandāharaṇañca;
- 6) tesaññeva akatapavāraṇānaṃ pavāraṇāyapi āharaṇañca;
- 7) utukkhānañca;
- 8) bhikkhugaṇanā ca;
- 9) bhikkhunīnamovādo cā'ti.

Tattha purimesu catūsu kicesu paḍipakiccaṃ idāni suriyālokassa atthitāya natthi. Aparāni tīṇi bhikkhūnaṃ vattaṃ jānantehi bhikkhūhi katāni pariniṭṭhitāni honti.

Chandāharaṇa pavāraṇā āharaṇāni pana imissaṃ sīmāyaṃ hatthapāsaṃ vijahitvā nisinnānaṃ bhikkhūnaṃ abhāvato natthi.

Utukkhānaṃ nāma ettakaṃ atikkantaṃ ettakaṃ avasiṭṭhaṇ'ti; evaṃ utu-ācikkhanaṃ.

Utūnīdha pana sāsane hemanta-gimha-vassānānaṃ vasena tīṇi honti. Ayaṃ vassānotu. Asmiñca utumhi satta ca uposathā ekā ca pavāraṇā iminā pakkhena: ekā pavāraṇā sampattā, pañca uposathā attikantā, dve uposathā avasiṭṭhā. Iti evaṃ sabbehi āyasmantehi utukkhānaṃ dhāretabbaṃ.  
(Evaṃ bhante/āvuso)

Bhikkhugaṇanā nāma imasmiṃ pavāraṇagge pavāraṇatthāya sannipatitā bhikkhū ettakāti, bhikkhūnaṃ gaṇanā. Imasmim pana pavāraṇagge dasa bhikkhū sannipatitā honti. Iti evaṃ sabbehi āyasmantehi bhikkhugaṇanāpi dhāretabbā.

(Evaṃ bhante/āvuso)

Bhikkhunīnamovādo pana idāni tāsāṃ natthitāya natthi.

Iti sakaraṇokāsānaṃ pubbakiccānaṃ katattā, nikkaraṇokāsānaṃ pubbakiccānaṃ pakatiyā pariniṭṭhitattā evantaṃ navavidhaṃ pubbakiccaṃ pariniṭṭhitaṃ hoti.

Niṭṭhite ca pubbakicce:

Sace so divaso cātuddasī-pañṇarasī-sāmaggīnamaññataro,  
yathājja pavāraṇā pañṇarasī,

1. yāvatikā ca bhikkhū kammappattā saṅgha-pavāraṇārahā,  
pañca vā tato vā atirekā pakatattā pārājikaṃ anāpannā saṅghena  
vā anukkhittā,
2. te ca kho hatthapāsāṃ avijahitvā ekasīmāyaṃ ṭhitā,
3. tesaṅca vikālabhojanādivasena vatthu sabhāgāpattiyo ce na  
vijjanti,
4. tesaṅca hatthapāse hatthapāsato bahikaraṇavasena vajjetabbo  
koci vajjanīyapuggalo ce natthi.

Evantaṃ pavāraṇākammaṃ imehi catūhi lakkhaṇehi saṅgahitaṃ  
pattakallaṃ nāma hoti, kātuṃ yuttarūpaṃ.

Pavāraṇākammassa pattakallattaṃ viditvā idāni kariyamānā  
pavāraṇā saṅghena anumānetabbā.

(Sādhū, bhante/āvuso)

Senior bhikkhu: Pubbakaraṇa-pubbakiccāni samāpetvā, imassa  
nisinnassa bhikkhusaṅghassa anumatiyā pavāraṇāññattiṃ  
ṭhapetuṃ uddesituṃ ajjhesanaṃ karomi.